

Per trutgs e pitgognas dals 02-12-2011

Proposta da Joachim Wasescha

Las nossas aclas

Temp:	ca. 4 - 5 uras
Autezza ascensiu/descensiu:	ca. 700 meters
Lunghezza:	12 km

Savognin - Rudnal - Senslas - Proschen - Plaz Beischen - Vardaval - Savognin

Ruta:

Las aclas avevan anc avant radund 50 onns ina gronda muntada en la vita dal puresser. La proposta odierna main'ins tar diversas aclas da Savognin e Tinizong che vegnan oz plitost nizzegiadas sco chasas da vacanzas che per il diever agricul. Nus partin da la posta Savognin, passain radund 200 meters sin il passape en direcziun Cuir fin tar il mussavias. Sin la via da las chapluttas arriv'ins bain spert en il gaud e suenter in'uretta tar las emprimas aclas da Rudnal. Sin la via d'alp veglia cuntansch'ins las aclas da Senslas nua ch'è sa chatta il cunfin tranter Savognin e Tinizong. Sin divers craps manaivel da la senda pon'ins admirar dissegns (Felszeichnungen) dals quals la derivanza n'è betg francada. Nus traversain Senslas ed arrivain a Sot Battaglia tar il punct il pli aut da noss'excursiun. Ussa vai a val e suenter la culegna da Proschen arriv'ins bain spert tar la via da la val d'Err. Quella bandun'ins suenter radund 100 meters ed ins sa drizza encunter Plaz Beischen, in lieu cun ina bellezza vista sin Sotgôt. Ina via charrabla main'ins giu Vardaval nua che nus traversain il stradun e prendain la senda che main'ins giu tar l'Err e lung la Gelgia rivainsa puspè a Savognin.

A Vardaval datti era ina fermada da la posta.

Particularitads

- ils mosaics da Jakob Krättli da Riom en las chapluttas da Savognin
- las aclas, perditgas d'ina cultivaziun purila passada
- bellas vistas davent da Senslas, Proschen e Plaz Beischen
- centrala electrica da las ovas da Marmorera a Tinizong